



Program stručnog osposobljavanja u Uredu za reviziju institucija u FBiH



RIJEČ GENERALNOG REVIZORA



Shodno strateškim opredjeljenjima i INTOSAI-jevim principima za vrhovne revizijske institucije, Ured za reviziju nastoji pružiti priliku mladim ljudima bez radnog iskustva da steknu znanja i vještine potrebne za daljnji profesionalni razvoj.

Promovirajući vrijednosti i koristi vrhovnih revizijskih institucija u pokretanju promjena u životima građana i prepoznajući interes za razvoj revizijske profesije, Ured za reviziju uspostavio je program stručnog osposobljavanja, gdje mlađi imaju priliku da se upoznaju s radom svih organizacionih jedinica i načinom funkcionisanja same institucije.

Ured za reviziju zalaže se za stalni profesionalni razvoj koji doprinosi kvalitetu pojedinca, tima i organizacije.

Program je kreiran kako bi se mlađi na stručnom osposobljavanju pripremili za samostalno obavljanje posla u okviru svoje struke.

**Dževad Nekić
Generalni revizor**

Ured za reviziju institucija u Federaciji BiH pokrenuo je praksu prijema lica na stručno osposobljavanje bez zasnivanja radnog odnosa još 2018. godine, od kada je priliku za osposobljavanje dobilo osmero mladih.

Osnovni cilj programa stručnog osposobljavanja jeste pružanje prilike mladima da nakon školovanja steknu prvo radno iskustvo u struci, te potrebne preduslove za razvoj buduće poslovne karijere. Na ovaj način Ured za reviziju nastoji doprinijeti široj zajednici i biti primjer društveno uzorne institucije.

Promovirajući usvajanje novih znanja i razmjenu iskustava nastoje se izgraditi kapaciteti i osigurati profesionalni razvoj koji će značajno doprinijeti kvalitetu pojedinaca, kao i same institucije.

Ured za reviziju svojom dobrom poslovnom praksom želi motivirati mlade da odaberu Ured kao svoj prvi korak ka profesionalnoj karijeri.

U nastavku su iskustva volontera i pripravnika, koji su u proteklom periodu imali priliku da rade u Uredu za reviziju.

Pripravnici

„Radi stručnog osposobljavanja za samostalan rad, poslodavac može zaključiti ugovor o radu sa pripravnikom.

Pripravnikom se smatra lice sa završenom srednjom ili višom školom, odnosno fakultetom, koje prvi put zasniva radni odnos u tom zanimanju, a koje je, prema Zakonu, obavezno položiti stručni ispit ili mu je za rad u zanimanju potrebno prethodno radno iskustvo.”

član 32 stav 1 i 2 Zakona o radu FBiH

Azra Subašić



Pripravnički staž u Uredu za reviziju institucija u Federaciji Bosne i Hercegovine omogućio mi je da nakon završetka sudjela steknem prvo radno iskustvo i obavljam poslove u okviru svoje struke. Kolege koje nesobično prenose znanje dale su mi motivaciju za dalje učenje i napredovanje. Beskrajno sam zahvalna za pruženu priliku da budem dio Ureda, gdje sam stekla bogato radno iskustvo.

Period pripravničkog staža: 10. 6. 2019. – 15. 3. 2020.

Fakultet: Pravni fakultet Univerziteta u Sarajevu

Lamija Efendic



Pripravnički staž u Uredu za reviziju za mene je jedinstveno iskustvo, koje mi je omogućilo da proširim znanje u struci. Zaposlenici Ureda za reviziju posjeduju ogromno iskustvo i izvanredne vještine, i značajno su doprinijeli mom stručnom usavršavanju. Stoga ovu instituciju smatram savršenom za obavljanje pripravničkog staža.

Period pripravničkog staža: 16. 3. 2020. – 16. 3. 2021.

Fakultet: Pravni fakultet Univerziteta u Sarajevu

Volonteri

„Ako je stručni ispit ili radno iskustvo utvrđeno zakonom ili pravilnikom o radu uvjet za obavljanje poslova određenog zanimanja, poslodavac može lice koje je završilo školovanje za takvo zanimanje primiti na stručno osposobljavanje bez zasnivanja radnog odnosa.“

član 34 stav 1 Zakona o radu FBiH

Majda Klementić



Od prvog dana u Uredu za reviziju primljena sam izuzetno ljubazno od svih zaposlenih, i takav odnos nastavljen je u toku cijelog mog rada u Uredu. Predusretljivost svih zaposlenih i iskazana želja da me nauče poslu koji sam obavljala okarakterisali su sve vrijeme koje sam provela u Uredu. Sretna sam što sam imala priliku da godinu dana radim u kolektivu i okruženju od kojeg sam puno naučila. Iskustvo koje nosim iz Ureda pomoglo mi je u daljem razvoju karijere.

Period volontiranja: 1. 2. 2018. – 1. 2. 2019.

Fakultet: Internacionalni Burch univerzitet

Fatima Magić



Volontiranje u Uredu za reviziju institucija u Federaciji Bosne i Hercegovine idealna je prilika za sticanje relevantnog radnog iskustva. Za vrijeme volontiranja imala sam priliku upoznati se sa radom javnih institucija, što mi je bilo od velike koristi pri zaposlenju.

Trenutno radim kao stručna saradnica u Institutu za mjeriteljstvo Bosne i Hercegovine i asistentica sam na Fakultetu za inžinjering i prirodne nauke Internacionalnog Burch univerziteta.

Period volontiranja: 3. 12. 2018. – 1. 3. 2019.

Fakultet: Fakultet za inžinjering i prirodne nauke Sarajevo

Zerin Vitogorac




Nakon završetka fakulteta proveo sam godinu u Uredu za reviziju institucija u Federaciji Bosne i Hercegovine u svojstvu volontera u Odjelu za pravne i opće poslove. Kroz osposobljavanje sam imao priliku da učestvujem u svim pravnim poslovima Ureda, te da se upoznam s postupkom nastanka revizorskog izvještaja. O instituciji, kao i o kolegama koje sam tamo upoznao, imam samo riječi pohvale, a znanja koja sam usvojio koriste mi i danas.

Period volontiranja: 1. 2. 2018. – 1. 2. 2019.

Fakultet: Pravni fakultet Univerziteta u Sarajevu

Armin Serdarević



Mogu reći da stečeno iskustvo u volonterskom radu u Uredu za reviziju institucija u FBiH pamtim isključivo po dobrom. Omogućeno mi je da napredujem u svakom smislu, te steknem nova znanja, vještine i poznanstva, koja su mi bila od izuzetnog značaja za nastavak profesionalne karijere. Preporučujem svakome ko vidi raspisan konkurs, a nema prijašnjeg iskustva, da se prijavi i doživi to što sam ja, a predivne kolege će se pobrinuti da taj pripravnici staž u vidu volonterskog rada pretvore u jedno predivno iskustvo od velikog značaja.

Period volontiranja: 15. 4. 2019. – 12. 7. 2019.

Fakultet: Ekonomski fakultet Univerziteta u Sarajevu

Magdalena Kraljević



U Uredu za reviziju institucija u FBiH dobila sam priliku za stručno osposobljavanje. Sam koncept programa omogućava mi stjecanje relevantnog radnog iskustva i obučavanje za samostalan rad u okviru svoje struke. Svemu tome izuzetno doprinosi pozitivna radna atmosfera koja vlada unutar Ureda i kolege koje mi svojim pristupom u radu omogućavaju da nadogradim znanje i steknem vještine koje će mi biti temelj za buduće poslovne pothvate.

Period volontiranja: od 11. 10. 2021.

Fakultet: Ekonomski fakultet Sveučilišta u Mostaru

Lamija Mujčić



Odlučila sam svoje prvo radno iskustvo steći u Uredu za reviziju institucija u FBiH, odgovornoj, kredibilnoj instituciji sa snažno uspostavljenom misijom, vizijom, vrijednostima i odlično organizovanim timom. Pružena mi je prilika za nadogradnju primarnog obrazovanja, sticanje novog znanja i vještina.

Period volontiranja : od 11. 10. 2021.

Fakultet: Ekonomski fakultet Univerziteta u Sarajevu

Praksi primanja pripravnika i volontera na stručno osposobljavanje Ured za reviziju kontinuirano će provoditi kako bi pružio priliku mladima da se osposobe za samostalan rad.

U ovoj brošuri prikazana su dosadašnja iskustva mladih, od kojih su pojedini, nakon odrađenog pripravničkog staža, zasnovali stalni radni odnos u našoj instituciji, dok su mnogi zasnovali radne odnose u drugim respektabilnim institucijama.

Ukoliko želite da radite na ličnom i profesionalnom razvoju, da iskusite rad u timu, učite od osoba s višegodišnjim iskustvom i izvanrednim vještinama, možete dobiti priliku da učestvujete u programu stručnog osposobljavanja u narednom periodu.



**Kabinet generalnog revizora
Ureda za reviziju institucija u Federaciji Bosne i
Hercegovine**

Sarajevo, juli 2022. godine